

COMISIÓN INFORMATIVA DE COOPERACIÓN, INFRAESTRUTURAS E MEDIO RURAL

ACTA da mencionada comisión informativa, correspondente ao día **16 de xuño de 2021**

Ás 18.15 horas do día 16 de xuño de 2021, reúnese a comisión informativa de Cooperación, Infraestruturas e Medio Rural, no salón de sesións da Deputación Provincial, coa asistencia dos seguintes deputados e deputadas:

Presidente: D. Pablo Pérez Pérez

Deputados/as do Grupo Popular:

D.^a Ana Patricia Torres Madureira

D. Álvaro José Fernández López

D. Miguel Antonio Cid Álvarez

D.^a Consuelo Vispo Seara

Deputados/as do Grupo Socialista:

D. Aurentino Alonso Araújo

D.^a Elvira Lama Fernández

D.^a Susana Rodríguez Estévez

Deputado de Democracia Ourenzana: D. Armando Ojea Bouzo

Deputado do BNG: D. Bernardo Varela López

Deputada non adscrita: D.^a Montserrat Lama Nóvoa

Deputado non adscrito: D. José Miguel Caride Domínguez

Secretario: D. Juan Marquina Fuentes

Interventor: D. José Mosquera Casero

Non asiste o deputado do Grupo Popular (don Jorge Pumar Tesouro) que é substituído por dona Consuelo Vispo Seara nin a dona Rosario Rodríguez Delgado (do Grupo Socialista) que é substituída por dona Susana Rodríguez Estévez.

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 19 DE MAIO DE 2021.-

Pola Secretaría Xeral deuse traslado do borrador da acta anterior, correspondente á ordinaria do día 19 de maio de 2021.

Non se producen intervencións e por maioría a comisión adopta o seguinte acordo:

Aprobar a acta da sesión ordinaria da Comisión Informativa de Cooperación, Infraestruturas e Medio Rural do día 19 de maio de 2021, conforme co borrador elaborado pola Secretaría Xeral.

2º.- EXPROPIACIÓN FORZOSA PARA A EXECUCIÓN DAS OBRAS “SANEAMENTO EN CORNEDA E FERRADAL E ACONDICIONAMENTO DE CAMIÑOS EN SAN CIBRAO, OUTEIRO DE BEACÁN E OUTROS NÚCLEOS DO MUNICIPIO DA PEROXA”, N.º 62/POS/2020, NO TERMO MUNICIPAL DA PEROXA.-

O Sr. secretario expón o contido da proposta.

Non se producen intervencións e co voto favorable do Grupo Popular (5) de don Miguel Caride e dona Montserrat Lama (deputado/a non adscrito/a) e a abstención do Grupo Socialista (3), de DO (1) e do BNG (1), a comisión ditamina favorablemente a adopción, por parte da Xunta de Goberno, do seguinte acordo:

1.- Resolver as alegacións formuladas no trámite do procedemento de información pública polos interesados e respecto ás parcelas que a continuación se relacionan:

a) Os lexítimos propietarios das parcelas 9 (polígono 43, parcela 57) e 16 (polígono 53, parcela 1335), de conformidade co disposto no artigo 24 da Lei de 16 de decembro de 1954, de expropiación forzosa, asinaron convenios coa administración que expropia, para a adquisición dos bens e dereitos afectados polo devandito expediente de expropiación nas ditas parcelas, motivo polo que procede a exclusión das citadas parcelas 9 e 16 da relación de bens e dereitos de necesaria ocupación obxecto do expediente de expropiación.

b) Por parte do Sr. alcalde do Concello da Peroxa, beneficiario da expropiación, respecto das parcelas 1, 2, 3, 5, 7, 9, 11, 12, 13, 14 e 15, incluídas na relación publicada no trámite de procedemento de información pública, solicítase que as devanditas parcelas non sexan incluídas entre os bens e dereitos de necesaria ocupación afectados polo expediente de expropiación, por ter sido adquiridas mediante acordo amigable cos seus propietarios. A este

respecto debemos ter en conta que o artigo 5, parágrafo segundo, apartado terceiro, do Regulamento de expropiación forzosa, aprobado por Decreto de 26 de abril de 1957, outórgalle ao beneficiario da expropiación a facultade de acordar libremente cos expropiados a adquisición amigable prevista no artigo 24 da Lei de expropiación forzosa, motivo polo que procede estimar a pretensión do Concello da Peroxa de excluír as parcelas 1, 2, 3, 5, 7, 9, 11, 12, 13, 14 e 15 da relación detallada de bens e dereitos obxecto de declaración da necesidade de ocupación.

c) Alega a particular D.^a Hilda López López que xunto coa súa irmá, D.^a Elena López López son titulares da vivenda sita na parcela 17 do expediente de expropiación, como partícipes da comunidade hereditaria de D. Jaime López Lobelle, titular catastral da devandita parcela, identificada co número de parcela 15006 do polígono 42 do Catastro inmobiliario do municipio da Peroxa. A este respecto debemos ter presente o artigo 7 do Regulamento de expropiación forzosa, aprobado por Decreto de 26 de abril de 1957, segundo o cal “...unicamente serán tomadas en consideración as transmisións mortis causa respecto dos herdeiros ou legatarios”. Por parte de D.^a Hilda López López achegouse un certificado de defunción e libro de familia de D. Jaime López Lobelle, documentación que acredita o falecemento do titular catastral e a situación familiar deste, así como o nacemento e filiación das alegantes pero non a súa condición de herdeiras. Á vista da documentación presentada por D.^a Hilda López López, pode derivarse unha presunción simple de copropiedade, respecto da parcela 17 do expediente de expropiación, presunción que deberá confirmar mediante a achega do certificado do Rexistro de Actos de Última Vontade, copia autorizada do testamento ou declaración de herdeiros “sen testamento”. Por todo o exposto, procede estimar parcialmente a alegación, no sentido de incluír como presuntas copropietarias da parcela 17 do expediente de expropiación a D.^a Hilda López López e á súa irmá D.^a Elena López López.

d) D.^a Hilda López López, respecto da parcela 17 do expediente de expropiación, efectúa as seguintes alegacións:

- Manifesta a súa oposición á expropiación ao non quedar xustificada a necesidade de ocupación alegando que “desde hai máis de setenta anos o tránsito pola estrada “Casdevil - Os Peares” se efectúa sen ningún problema, incluso por vehículos de grandes dimensións (camións do lixo, camións de transporte de materiais...)”. A este respecto debemos sinalar que, consonte co informe emitido con data 26 de abril de 2021, polo autor do proxecto, D. Daniel Durán Arriero, enxeñeiro de camiños, canles e portos, dende un punto de vista

estritamente técnico, o feito de que durante un período de tempo determinado non se rexistre sinistralidade significativa nun tramo de estrada, non exime, en ningún caso, de calquera tipo de actuación de mellora da seguridade viaria, por parte da administración pública competente.

- Expón que *“á estreitura da zona non pode xustificarse a necesidade de ocupación porque máis abaixo da súa propiedade, a estreitura é moito maior que na súa, propoñendo que o ensanche da plataforma teña lugar expropiando a beirarrúa do bordo oposto da estrada”*.

Segundo o informe emitido con data 26 de abril de 2021, polo autor do proxecto, D. Daniel Durán Arriero, enxeñeiro de camiños, canles e portos a ocupación da beirarrúa existente no bordo oposto non implicaría dispoñer dunha maior anchura para a ampliación da estrada, senón que, ademais de afectar a un maior número de vivendas, xeraría máis problemas de accesibilidade debido á maior diferenza de cota entre a beirarrúa e a rasante da estrada. En calquera caso, a hipotética demolición do tramo de beirarrúa proposto pola alegante enfrontaría directamente a traxectoria dos vehículos que circulan en dirección á ponte do ferrocarril coa entrada ao portal dunha vivenda do entorno das obras, derivando nunha mingua maior da seguridade viaria.

- Indica D.^a Hilda López López que *“o proxecto construtivo non define o número de banzos da escaleira prevista para habilitar o acceso á súa vivenda, así como tampouco a superficie ocupada por esta. Tamén sinala que a obra proxectada non cumpre cos requisitos de accesibilidade esixidos pola normativa vixente”*. O autor do proxecto, D. Daniel Durán Arriero, enxeñeiro de camiños, canles e portos, detalla no seu informe, de data 26 de abril de 2021, que o obxecto deste proxecto é eliminar o obstáculo que supón á traxectoria dos vehículos e que supón un risco para a seguridade viaria da circulación, restaurando á súa vez o acceso ás vivendas afectadas polas obras, achegando plano acoutado de planta, alzado e sección da solución prevista no proxecto respecto da escaleira con banzo para habilitar o acceso á vivenda propiedade da alegante.

- En último termo, *manifesta a súa oposición ao expediente de expropiación do terreo da súa propiedade e ás obras proxectadas, pola falta de xustificación da necesidade da ocupación nin cumprir as citadas obras coa normativa vixente*. A este respecto debemos sinalar que o proxecto das obras de *“Saneamento en Corneda e Ferradal e acondicionamento de camiños en San Cibrao, Outeiro de Beacán e outros núcleos do Concello da Peroxa”*, n.º 62/POS/2020, foi aprobado definitivamente mediante resolución número 44/2020, da Alcaldía do

Concello da Peroxa, asinada con data 7 de agosto de 2020, cumprindo cos requisitos esixidos pola lexislación vixente e dispoñendo das autorizacións sectoriais esixibles.

E polo que, tendo en conta os motivos expostos, procede desestimar as alegacións presentadas pola copropietaria da parcela 17 do citado expediente de expropiación, D.^a Hilda López López.

3.- Ter por declarada a utilidade pública, de conformidade co disposto no *artigo 10 da Lei de 16 de decembro de 1954, de expropiación forzosa*, das obras de “Saneamento en Corneda e Ferradal e acondicionamento de camiños en San Cibrao, Outeiro de Beacán e outros núcleos do Concello da Peroxa”, no termo municipal da Peroxa, ao atoparse incluídas co número 62, no Plan provincial de cooperación ás obras e servizos de competencia municipal do ano 2020 (BOP n.º 62 do 16 de marzo de 2020).

4.- Acordar definitivamente, ao abeiro do disposto polo artigo 20 e seguintes *da Lei de 16 de decembro de 1954, de expropiación forzosa*, a necesidade de ocupación dos bens e dereitos necesarios para execución das obras de “Saneamento en Corneda e Ferradal e acondicionamento de camiños en San Cibrao, Outeiro de Beacán e outros núcleos do Concello da Peroxa”, n.º 62/POS/2020, cuxo proxecto foi aprobado definitivamente mediante resolución número 44/2020, da Alcaldía do Concello da Peroxa, asinada con data 7 de agosto de 2020, de conformidade co reflectido no cadro seguinte:

Nº EXPTE.	POLÍG.	PARC.	REF. CATASTRAL	PROPIETARIOS	CUALIFIC.	AFECCIÓN (m ²)
4	51	9029	32060A051090290000QP	DESCOÑECIDO	RUINAS	167,35
6	68	906	2060A068009060000QS	TERESA VÁZQUEZ QUINTELA	PASTIZAL	15,27
8	50	418	32060A050004180000QO	ANTONIO QUINTELA DOMÍNGUEZ	LABOR SECAÑO	101,83
10	53	109	32060A053001090000QA	ROSARIO DACAL PÉREZ MARÍA DEL CARMEN DACAL PÉREZ	LABOR SECAÑO	51,14

				<p>DORINDA DACAL PÉREZ</p> <p>MARÍA TERESA PARADELA PÉREZ</p> <p>Mª LUZ PARADELA PÉREZ</p>		
17	42	15006	001500600NH00A0001MA	<p>HILDA LÓPEZ LÓPEZ</p> <p>ELENA LÓPEZ LÓPEZ</p>	PLATAFORMA DE ACCESO	11,85

5.- Notificarlles esta resolución aos interesados e ordenar a súa publicación no BOP, nun diario dos de maior difusión na provincia e no taboleiro de anuncios do concello afectado, de conformidade coa lexislación vixente.

3º.- CONVENIO DE COLABORACIÓN ENTRE A SECRETARÍA XERAL PARA O DEPORTE DA XUNTA DE GALICIA, A DEPUTACIÓN PROVINCIAL DE OURENSE E O CONCELLO DE XINZO DE LIMIA PARA A EXECUCIÓN DAS OBRAS DE “SENDA PEONIL NA MOREIRA, MELLORA DE ACCESIBILIDADE DAS VÍAS MUNICIPAIS”.

O Sr. secretario expón o contido da proposta.

Non se producen intervención e, por unanimidade, a comisión ditamina favorablemente a adopción, por parte do pleno, do seguinte acordo:

1º. Aprobar o convenio de colaboración entre a Secretaría Xeral para o Deporte da Xunta de Galicia, a Deputación Provincial de Ourense e o Concello de Xinzo de Limia para a execución das obras de “Senda peonil na Moreira, mellora de accesibilidade das vías municipais”, consonte coas seguintes cláusulas:

PRIMEIRA: OBXECTO

O obxecto do presente convenio é establecer as bases de colaboración entre a Xunta de Galicia, Secretaría Xeral para o Deporte, a Deputación Provincial de Ourense e o Concello de Xinzo de Limia para a execución das obras de creación dunha senda peonil e un carril bici no viario principal de conexión entre a vila de Xinzo e os campos de fútbol da Moreira e Carreira, segundo o proxecto do arquitecto municipal Rafael Nogueiras Mascareñas.

SEGUNDA: INVESTIMENTO PROGRAMADO E COFINANCIAMENTO DAS ACTUACIÓNS

O importe total das actuacións para realizar ao abeiro deste convenio ascende á cantidade de trescentos cincuenta mil cincocentos noventa e nove euros con sete céntimos (350.599,07 €) IVE incluído.

A **Secretaría Xeral para o Deporte** financiará as ditas actuacións coa cantidade de sesenta e sete mil trescentos sete euros con sesenta e tres céntimos (67.307,63 €) IVE incluído, con cargo á aplicación orzamentaria 04.40.441A.760.0 (código de proxecto 2013 00039) dos seus orzamentos de gastos para os exercicios 2021 e 2022.

Anualidade	2021
Anualidade	2022

A **Deputación Provincial de Ourense** financiará as ditas actuacións coa cantidade de cento cincuenta mil euros (150.000,00 €) IVE incluído con cargo á aplicación orzamentaria 450.12/762.01"Corporación provincial. A concellos. Subvencións" dos seus orzamentos de gastos para os exercicios 2021 e 2022.

Anualidade	2021
Anualidade	2022

Pola súa banda o **Concello de Xinzo de Limia** achegará con cargo aos seus créditos orzamentarios a cantidade de cento trinta e tres mil douscentos noventa e un euros con corenta e catro céntimos (133.291,44 €) euros que se imputarán con cargo ás partidas municipais 153/61900 e 155/60900 (código de proxecto 0012021) do seu orzamento de gastos para os exercicios 2021 e 2022.

Anualidade	2021
Anualidade	2022

TERCEIRA: COMPROMISOS DAS PARTES

3.1.- Obrigas do Concello de Xinzo de Limia

1. As obras serán realizadas polo contratista que sexa seleccionado polo Concello, dándolles conta á Secretaría Xeral para o Deporte e á Deputación da elección, así como de calquera modificación do proxecto, prórrogas de prazos establecidos na adxudicación ou alteracións de calquera outros elementos básicos que configuren estas.

En todos os casos de contratación con terceiros, o Concello actuará con suxeición, tanto na tramitación do procedemento de contratación, como na execución do contrato administrativo, ao establecido na Lei 9/2017 de contratos do sector público, atendendo tamén ao preceptuado no artigo 12 do Decreto 193/2011, do 6 de outubro.

Os contratos dos servizos relativos á dirección técnica das obras e á coordinación da seguridade e saúde serán contratados polo Concello de Xinzo ou exerceranse polo persoal técnico do propio concello.

En ningún caso serán autorizados proxectos complementarios ou reformados para a inclusión de obras que deberan estar executadas polo concello beneficiario nunha fase previa á obra que se executa.

2. De acordo co establecido no artigo 4 da Lei 1/2016, do 18 de xaneiro, de transparencia e bo goberno o Concello ten a obriga de subministrarlles á Secretaría Xeral para o Deporte e á Deputación de Ourense toda a información que se lle requira en materia de transparencia. No caso de que este requirimento non sexa atendido no prazo que se estableza, procederá unha multa de 200,00 € mensuais ata o seu cumprimento.

3.- Son obrigas do beneficiario as sinaladas nos artigos 14 e 37 da Lei 38/2003, do 17 de novembro, xeral de subvencións e nos artigos 11 e 33 da Lei 9/2007, do 13 de xuño, de subvencións de Galicia, e sinaladamente as seguintes:

a) O Concello quedará obrigado a asumir ao seu cargo os aumentos que se produzan, no caso de que o custo das obras resulte superior a 350.599,07 euros, IVE incluído.

b) Redactar e remitir o proxecto técnico, que deberán contar coa autorización e aprobación da Secretaría Xeral para o Deporte e da Deputación de Ourense antes da sinatura do presente convenio.

c) As licenzas, autorizacións administrativas, contratación de servizos e subministracións, así como os impostos e taxas de aplicación aos pagos dos conceptos incluídos e previstos na execución do proxecto, serán por conta do Concello.

d) O Concello quedará obrigado a facilitar toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas, no exercicio das súas funcións de fiscalización e control do destino das subvencións.

e) Deberá destinar os bens sobre os que se realicen as obras ao fin concreto para o que se lle concedeu a subvención por período non inferior a cinco anos, ao tratarse de bens inscribibles nun rexistro público.

O incumprimento da obriga de destino referida no parágrafo anterior será causa de reintegro das subvencións outorgadas ao Concello pola Deputación Ourense e pola Xunta de Galicia ao abeiro deste convenio, nos termos establecidos para o efecto no artigo 37 da Lei 38/2007, do 7 de novembro, xeral de subvencións, e no artigo 33 da Lei 9/2007, do 13 de xuño, de subvencións de Galicia, quedando o ben afecto ao pago do reintegro calquera que sexa o seu posuidor, salvo que resulte ser un terceiro protexido nos termos legalmente previstos.

f) No caso de que o beneficiario incumprise o establecido neste convenio, a Secretaría Xeral para o Deporte e a Deputación de Ourense, poderán revogar a subvención concedida logo da audiencia do interesado.

g) Así mesmo, e de acordo co establecido nos artigos 33 da Lei 9/2007 e 74 do Decreto 11/2009, o Concello deberá cumprir todos os compromisos establecidos no presente convenio, e en particular o disposto neste apartado 3.1 en canto á realización, pagamento e xustificación das obras previstas, de acordo co establecido no proxecto técnico, así como as

deficiencias nas xustificacións documentais destas darán lugar ao reintegro da parte proporcional do custo do incumprimento.

4.- Será responsabilidade do concello a elaboración da documentación necesaria para dar cumprimento á normativa de seguridade e saúde, especialmente ao establecido na Lei 31/1995, do 8 de novembro, de prevención de riscos laborais (BOE núm. 269 do 10.11.1995) e no Real decreto 1627/1997, do 24 de outubro, polo que se establecen disposicións mínimas de seguridade e de saúde nas obras de construción (BOE núm. 256 do 25.10.1997). Prestarase especial atención no caso de que a actuación comprenda algún dos traballos que implican riscos especiais para a seguridade e a saúde dos traballadores, recollidos no anexo II do Real decreto 1627/1997.

Así mesmo, é responsabilidade do concello a designación do coordinador de seguridade e saúde durante a execución da obra, no caso de que sexa necesario de acordo co establecido no artigo 3.2 do Real decreto 1627/1997.

Co obxecto de facilitar a tramitación das distintas fases do convenio o concello autoriza expresamente á Deputación de Ourense e á Secretaría Xeral para o Deporte, de conformidade co artigo 28 da Lei 39/2015, do 01 de outubro, de procedemento administrativo común das administracións públicas, á obtención dos certificados da Axencia Estatal de Administración Tributaria e da Tesourería Xeral da Seguridade Social de estar ao día das obrigas tributarias e fronte a Seguridade Social así como a obtención do certificado da Consellería de Facenda da Xunta de Galicia de estar ao día das obrigas tributarias coa Comunidade Autónoma de conformidade co artigo 4 do Decreto 255/2008, do 23 de outubro, e a Orde da Consellería de Presidencia, Administracións Públicas e Xustiza, do 7 de xullo de 2009, que o desenvolve.

5.- O Concello de Xinzo de Limia obrígase ao pagamento da achega indicada na cláusula segunda por importe de cento trinta e tres mil douscentos noventa e un euros con corenta e catro céntimos (133.291,44€) euros IVE incluído con cargo ás partidas municipais 153/61900 e 155/60900 (código de proxecto 0012021) do seu orzamento de gastos para os exercicios 2021 e 2022.

3.2.- Obrigas da Secretaría Xeral para o Deporte

A Secretaría Xeral para o Deporte obrígase ao pagamento da achega indicada na cláusula segunda por importe de sesenta e sete mil trescentos sete euros con sesenta e tres céntimos (67.307,63€) IVE incluído con cargo á aplicación orzamentaria 04.40.441A.760.0 (código de proxecto 2013 00039) dos seus orzamentos de gastos para os exercicios 2021 e 2022.

3.3.- Obrigas da Deputación de Ourense

A Deputación de Ourense obrígase ao pagamento da achega indicada na cláusula segunda por importe de cento cincuenta mil euros (150.000,00€) IVE incluído con cargo á aplicación orzamentaria 450.12/762.01 “Corporación provincial. A concellos. subvencións” dos seus orzamentos de gastos para os exercicios 2021 e 2022.

CUARTA: BAIXAS DE ADXUDICACIÓN E INCIDENCIAS NA EXECUCIÓN

As baixas que se poidan obter na adxudicación dos contratos de obra para executar no marco do presente convenio pola administración contratante, serán destinadas ao financiamento dos posibles excesos que se produzan na execución das obras (proxectos reformados, complementarios, ou no seu caso, excesos de medicións, liquidacións, se as houbese).

QUINTA: XUSTIFICACIÓN E PAGAMENTO DAS AXUDAS

De acordo co artigo 28.5 da Lei 9/2007 e co artigo 8 do Decreto 193/2011, o Concello estará obrigado a xustificar o cumprimento da finalidade da subvención e o seu custo real mediante a presentación dunha conta xustificativa integrada, con carácter xeral, pola documentación que se relaciona no artigo 10 do Decreto 193/2011 e que incorporará en todo caso a toma de razón en contabilidade mediante certificación da intervención ou do órgano que teña atribuídas as facultades de control co visto e prace do/a alcalde/sa, e do cumprimento da finalidade para a que foi concedida.

Na xustificación deberá acreditarse o importe, procedencia e aplicación dos fondos propios, así como doutras subvencións ou recursos á actuación subvencionada.

A Secretaría Xeral para o Deporte obrígase ao pagamento da achega indicada na cláusula segunda, para os anos 2021 e 2022, tramitando o seu aboamento con ocasión da xustificación da subvención, trámite que deberá cumprirse antes do 31 de outubro de 2021 e 2022. Non obstante o anterior, o dito prazo poderá prorrogarse ata o día 30 de novembro de cada unha das anualidades, a petición motivada do concello, sempre que a solicitude de prórroga se formule antes do día 1 de outubro de cada anualidade. A Secretaría Xeral para o Deporte fará a súa achega nas certificacións iniciais, ata acadar, de acordo co artigo 62 do Decreto 11/2009, o 80% do importe total da axuda. O 20% restante da axuda achegarase coa certificación final de obra.

No caso de aboamentos parciais o Concello está obrigado a presentar mensualmente a certificación e a documentación xustificativa desta durante a duración do convenio.

A Deputación Provincial de Ourense obrígase ao pagamento da achega indicada na cláusula segunda, para os anos 2021 e 2022, tramitando o seu aboamento con ocasión da xustificación da subvención, trámite que deberá cumprirse antes do 31 de outubro de 2021 e 2022. Non obstante o anterior, o dito prazo poderá prorrogarse ata o día 30 de novembro de cada unha das anualidades, a petición motivada do concello, sempre que a solicitude de prórroga se formule antes do día 1 de outubro de cada anualidade.

De acordo coa Ordenanza xeral de subvencións da Deputación Provincial de Ourense e demais normativa de aplicación, o Concello de Xinzo de Limia, como administración contratante das obras, estará obrigado a xustificar ante a Deputación Provincial de Ourense o cumprimento da finalidade da subvención, a realización da actividade e o seu custo real mediante a presentación dunha conta xustificativa integrada, con carácter xeral, pola documentación que se lle indique no acordo de concesión da subvención e que incorporará, en todo caso, a certificación da intervención ou do órgano de teña atribuídas as facultades de control do cumprimento da finalidade para a que foi concedida.

En todo caso os pagos efectuaranse unha vez examinada e conformada a xustificación presentada polo concello.

SEXTA: CONCORRENCIA CON OUTRAS AXUDAS

As axudas contempladas neste convenio son compatibles con outras que poida acadar o concello, sempre que a suma de todas elas non supere o investimento total real.

Antes do primeiro pagamento, o Concello achegará unha declaración do conxunto de todas as solicitudes de subvención efectuadas, ou concedidas, para as obras obxecto deste convenio, diante das administracións públicas competentes ou doutros entes públicos.

No momento da xustificación da execución total do proxecto e, en calquera caso, antes do último pagamento, o Concello presentará unha declaración complementaria do conxunto das axudas solicitadas, tanto as aprobadas ou concedidas como das pendentes da resolución, para este proxecto, das distintas administracións públicas competentes ou das súas entidades vinculadas ou dependentes.

SÉTIMA: PUBLICIDADE DAS OBRAS

En todas as obras que se executen no marco do presente Convenio fixarase un cartel informativo da súa natureza, con indicación expresa das administracións públicas que colaboran no financiamento do plan no que se inclúen.

O tratamento tipográfico identificador das respectivas entidades e dos seus logotipos ou anagramas será idéntico.

Aos actos de inauguración ou posta en marcha das instalacións que se financien no marco do presente Convenio, asistirán os representantes oficiais designados polas administracións signatarias, para o que se facilitará, con suficiente antelación, o día e hora da súa realización.

En toda a información que se lles transmita aos medios de comunicación respecto deste convenio e das obras que conforme a este se levan a cabo, farase indicación expresa das administracións públicas que colaboran no financiamento deste plan.

OITAVA: COMPROBACIÓN E RECEPCIÓN DAS OBRAS

A Deputación de Ourense e a Secretaría Xeral para o Deporte, poderán efectuar cantas comprobacións estimen oportunas, con carácter previo á realización da proposta de calquera dos pagamentos parciais ou do final, incluíndo a comprobación da execución material do investimento que poderá realizar a través dun funcionario da Deputación e da Secretaría Xeral ou persoa que designen.

A recepción das obras farase polo Concello, quen lles dará conta dela á Deputación e á Secretaría Xeral mediante a achega da acta consignada para o efecto.

NOVENA: XESTIÓN, MANTEMENTO E CONSERVACIÓN DAS INSTALACIÓNS

Unha vez executadas e recibidas as obras polo concello, este asumirá a xestión, mantemento e conservación da senda, que terá como destino un uso ou servizo público de carácter deportivo, será responsabilidade exclusiva do concello, e serán de conta deste a totalidade dos gastos que xere.

Esta circunstancia non obviará a responsabilidade que á sociedade adxudicataria lle corresponda na policía e conservación das obras ata a recepción definitiva pola administración contratante.

DÉCIMA: REXISTROS PÚBLICOS DE AXUDAS

As partes asinantes do convenio manifestan o seu consentimento para que os datos persoais que constan neste convenio, así como o resto das especificacións contidas no nel, poidan ser publicados no Portal da Transparencia e Goberno Aberto.

De acordo co establecido na disposición adicional primeira do Decreto 132/2006, do 27 de xullo, polo que se regulan os rexistros públicos de axudas, subvencións e convenios e de sancións administrativas da Xunta de Galicia, a Deputación consinte expresamente a inclusión e publicidade dos datos relevantes referidos á subvención obxecto deste convenio nos rexistros públicos citados, creados polos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

Así mesmo consinte na publicación do convenio que esixe a Lei 1/2016, do 18 de xaneiro, de transparencia e bo goberno no artigo 15 referido as obrigas específicas de información sobre convenios.

UNDÉCIMA: VIXENCIA DO CONVENIO E CAUSAS DE RESOLUCIÓN

O período de vixencia do convenio comezará ao día seguinte da súa sinatura e estenderase ata o 31 de decembro do ano 2022, sen prexuízo da posibilidade de prorrogar o dito período en virtude de causa debidamente xustificada sempre e cando se solicite cunha antelación mínima dun mes á data de finalización do prazo de xustificación.

As restantes obrigas manterán a súa vixencia ata o total cumprimento das previsións establecidas, de modo que se acaden os fins perseguidos por este convenio.

A denuncia, que requirirá o acordo previo do órgano competente da administración que a pretenda, producirá efectos aos noventa (90) días da súa presentación diante da comisión á que se refire a cláusula décimo terceira, logo da liquidación das obrigas pendentes de cumprir pola parte que a formule.

De acordo co artigo 51 da Lei 40/2015, do 1 de outubro, de réxime xurídico do sector público, son causas de resolución do presente convenio:

- 1.- O transcurso do prazo de vixencia do convenio sen que se teña acordado a súa prórroga.
- 2.- O acordo unánime de todos os asinantes.
- 3.- O incumprimento das obrigas e compromisos asumidos por parte dalgún dos asinantes. Neste caso, estarase ao disposto no artigo 51 c) da Lei 40/2015, do 1 de outubro, de réxime xurídico do sector público.
- 4.- Por decisión xudicial declaratoria da nulidade do convenio.
- 5.- Por calquera outra causa distinta das anteriores prevista no convenio ou noutras leis.

DUODÉCIMA: MODIFICACIÓN DO CONVENIO

As causas polas que se pode modificar o presente convenio son:

- 1.- Por acordo unánime dos asinantes.

En todo caso, a solicitude de modificación do prazo para presentar a xustificación do convenio, por parte do concello, deberá realizarse cunha antelación mínima dun mes á data da súa finalización.

- 2.- De acordo co artigo 31.4 da Lei 14/2013, do 26 de decembro, de racionalización do sector público autonómico, cando teña como finalidade o logro dos obxectivos de estabilidade e sustentabilidade financeira.

DÉCIMO TERCEIRA: COMISIÓN DE SEGUIMIENTO E INTERPRETACIÓN

Para o seguimento do grao de execución do presente convenio, a solución de controversias que a súa interpretación poida motivar, créase unha comisión integrada polos seguintes representantes das partes:

Dous representantes da Secretaría Xeral para o Deporte da Xunta de Galicia.

Dous representantes da Deputación Provincial de Ourense.

Dous representantes do Concello de Xinzo de Limia.

Na comisión de seguimento e control informarase sobre os acordos de modificacións ou variacións que poidan producirse na execución do proxecto para a súa aprobación, conforme coas limitacións da normativa vixente que sexa de aplicación. Cando estas impliquen modificación do orzamento, a Secretaría Xeral para o Deporte e a Deputación de Ourense non asumirán compromisos económicos que impliquen incrementar a contía das anualidades establecidas na cláusula segunda.

En calquera caso, todas aquelas cuestións que se susciten en relación co outorgamento, cumprimento, xustificación e pagamento, así como o reintegro e determinación das posibles responsabilidades relativas á subvención concedida por parte da Secretaría Xeral, serán resoltas polo secretario xeral para o Deporte.

DÉCIMO CUARTA: LEXISLACIÓN DE APLICACIÓN, NATUREZA DO CONVENIO E XURISDICIÓN COMPETENTE

O réxime xurídico deste convenio vén determinado polo establecido nel, na Lei 9/2007, do 13 de xuño, de subvencións de Galicia e na Lei 38/2003, do 17 de novembro, xeral de subvencións; o Decreto 11/2009, do 8 de xaneiro, polo que se aproba o regulamento que desenvolve a Lei 9/2007, do 13 de xuño, de subvencións de Galicia, e o Decreto 193/2011, do 6 de outubro, polo que se regulan especialidades nas subvencións ás entidades locais galegas, a Lei 1/2016, do 18 de xaneiro, de transparencia e bo goberno e demais normativa que sexa de aplicación.

Este convenio é de natureza administrativa e, consecuentemente, as cuestións litixiosas que xurdan na súa aplicación, interpretación e cumprimento serán competencia da xurisdición contencioso-administrativa.

2º. Ao tratarse dun **gasto plurianual**, comprometerse ao cumprimento do réxime financeiro proposto, co compromiso de incluír no orzamento xeral desta Deputación para os exercicios seguintes as cantidades correspondentes, para asumir as anualidades do gasto indicadas.

4º.- PRÓRROGA DO CONVENIO DE COOPERACIÓN ENTRE A DEPUTACIÓN PROVINCIAL DE OURENSE E OS CONCELLOS DE CENLLE, PUNXÍN E SAN AMARO PARA CONTRATAR O SERVIZO DE EXPLOTACIÓN E MANTEMENTO E DA SUBMINISTRACIÓN DA ENERXÍA ELÉCTRICA DAS INSTALACIÓN DE ABASTECIMENTO EN ALTA RAZAMONDE-SAN TROCADO.

O Sr. secretario expón o contido da proposta.

D. Armando Ojea Bouzo, de DO, entende que se dá por suposto que os concellos, que aprobaron por resolución a prórroga do convenio, a ratifiquen tamén no pleno da súa respectiva corporación.

D. Aurentino Alonso Araújo, do Grupo Socialista, sinala que o seu grupo sempre se manifestou a favor deste tipo de agrupacións municipais para a xestión de servizos e pide que no futuro se sexa máis previsor por parte da Deputación, para evitar este tipo de tramitación urxente.

Non se producen máis intervencións e, por unanimidade, a comisión ditamina favorablemente a adopción, por parte do pleno, do seguinte acordo:

Ratificar a prórroga do convenio (acordada por razóns de urxencia) entre a Deputación Provincial de Ourense e os concellos de Cenlle, Punxín e San Amaro para contratar o servizo de explotación e mantemento e da subministración da enerxía eléctrica das instalacións de abastecemento en alta Razamonde-San Trocado, que se estenderá durante o tempo da vixencia do contrato realizado con GADESSA, que finaliza o 15 de marzo de 2023 (coa posibilidade de prorrogalo por dous anos máis).

5º.- MOCIÓN DE URXENCIA.- Non se presentan.

6º.- ROGOS E PREGUNTAS.- Non se producen.

E ás 18.45 horas dáse por finalizada a reunión, redactándose a presente acta que se asinará electronicamente. Dou fe.

